



Heilbrigðiseftirlit Vesturlands

Umhverfis- orku og loftslagsráðuneytið
Guðlaugur Þór Þórðarsson, umhverfisráðherra
Borgartúni 26
105 Reykjavík

19. september 2024

Fyrirhuguð breyting á fyrirkomulagi reksturs heilbrigðiseftirlits

Á fundi Heilbrigðiseftirlits Vesturlands sem haldinn var 16. september 2024 var ofangreint mál á dagskrá. Eftirfarandi var bókað í fundargerð.

- Afgreiðsla bæjarstjórna á Vesturlandi á bréfi heilbrigðiseftirlitsins dagsettu 28. maí 2024.** Lagðar fram afgreiðslur sveitarstjórna á Vesturlandi og Kjósarhreppi á ofangreindu bréfi sem fjallaði um tillögur ríkisins um breytingu á fyrirkomulagi heilbrigðiseftirlits.

Akraneskaupstaður:

Fundur bæjarstjórnar nr. 1396, 29. maí:

„Bæjarstjórn tekur heilshugar undir bókun bæjarráðs frá fundi nr. 1396 þann 29. maí og gerir hana að sinni.

Bæjarstjórn Akraness tekur undir áhyggjur og ábendingar Heilbrigðisnefndar Vesturlands á þeim neikvæðu áhrifum sem tilfærsla eftirlitsins (málaflokksins) til ríkisins gætu haft í för með sér og því nauðsynlegt að fullt samráð sé haft við sveitarfélögin við frekari úrvinnslu málsins.

Bæjarráð telur að ekki hafi verið sýnt fram á með rökum að málaflokknum sé betur fyrirkomið hjá ríkinu. Einnig telur bæjarráð að skort hafi samráð og upplýsingagjöf til sveitarfélaganna en sveitarfélagið hefur t.d. ekki fengið kynningu á skýrslu starfshóps um fyrirkomulag innra eftirlits frá ágúst 2023.“

Grundarfjarðarbær 13. Júní 2024:

„Bæjarstjórn Grundarfjarðar tekur undir áhyggjur og ábendingar Heilbrigðisnefndar Vesturlands á þeim neikvæðu áhrifum sem tilfærsla heilbrigðiseftirlits til ríkisins gæti haft í för með sér.“

Bæjarstjórn telur ekki framkomin rök fyrir því að málaflokknum sé betur fyrir komið hjá ríkinu. Bæjarstjórn telur nauðsynlegt að samráð sé haft við sveitarfélögin við frekari vinnslu málsins.“

Samþykkt samhljóða.

Snæfellsbær, fundur 5. júní 2024:

„Bæjarstjórn Snæfellsbæjar tekur undir bókun stjórnar samtaka heilbrigðiseftirlitssvæða á Íslandi frá 8.nóvember 2023 og leggst gegn því að starfsemi heilbrigðiseftirlits verði færð til ríkisins.“

Sveitarfélagið Stykkishólmur fundur nr. 23 þann 20. júní

„Bæjarráð tekur undir áhyggjur Heilbrigðisnefndar Vesturlands á hugsanlegum neikvæðu áhrifum sem tilfærsla heilbrigðiseftirlits til ríkisins getur haft í för með sér. Bæjarráð leggur áherslu á að samráð sé haft við sveitarfélögin við afgreiðslu málsins.“

Dalabyggð sveitarstjórnar nr. 248 þann 15. ágúst 2024:

„Byggðaráð Dalabyggðar tekur undir bókun stjórnar samtaka heilbrigðiseftirlitssvæða á Íslandi frá 8. nóvember 2023 og leggst gegn því að starfsemi heilbrigðiseftirlits verði færð til ríkisins.“

Hvalfjarðarsveit, 400. Fundur 12. 6 2024:

„Sveitarstjórn Hvalfjarðarsveitar tekur undir áhyggjur um að hugmyndir hafi ekki verið kynntar sveitarfélögum nægilega vel og að samráð hafi verið ábótavant. Sveitarstjórn kallar eftir aukinni upplýsingagjöf, samráð og samtali af hálfu ríkisins við sveitarfélögin þannig að unnt sé að taka upplýsta afstöðu til fyrirhugaðra breytinga á fyrirkomulagi þar sem um er að ræða umfangsmiklar breytingar sem gætu haft veruleg áhrif á sveitarfélög og íbúa.“

Tillaga borin undir atkvæði og samþykkt með 7 atkvæðum.

Kjósarhreppur 294. fundur þann 3. júlí 2024:

„Sveitarstjórn tekur undir bókun Samtaka heilbrigðiseftirlitssvæða á Íslandi frá 8. nóvember 2023 og leggst gegn því að starfsemi heilbrigðiseftirlits verði færð til ríkisins. Jafnframt leggur sveitarstjórn áherslu á að farið verði í vinnu við að samræma starfsreglur heilbrigðiseftirlita á landinu.“

Skorradalshreppur:

„Hreppsnefnd tekur ekki afstöðu til bókunar stjórnar Samtaka heilbrigðiseftirlitssvæða á Íslandi.“

Borgarbyggð:

Afgreiðsla frá 672. fundi byggðarráðs: "Framlagt og óskar byggðarráð eftir umsögn umhverfis- og landbúnaðarnefndar og í framhaldinu til umræðu í sveitarstjórn. Samþykkt samhljóða."

Umhverfis- og landbúnaðarnefnd telur að flutningur á heilbrigðiseftirliti frá sveitarfélögum til ríkisins myndi hafa neikvæðar afleiðingar fyrir íbúa og fyrirtæki innan sveitarfélaganna.

Málið á eftir að fara fyrir sveitarstjórn.

Bókun Heilbrigðisnefndar Vesturlands:

Heilbrigðisnefnd felur framkvæmdastjóra að upplýsa ráðuneyti um framkomnar bókanir.

Með vísun í orð ráðherra, Guðlaugs Þórs Þórðarsonar á kynningarfundum um skýrslu starfshóps um málið: „ Ef sveitarfélög vilja ekki þessar breytingar þá verður ekki farið í þær. Nú liggur fyrir nokkuð skýr afstaða sveitarfélaga á Vesturlandi og er í framhaldinu óskað er eftir að fallið verði frá fyrirhuguðum breytingunum á rekstri heilbrigðiseftirlits og færslu þess til ríkisins, en jafnframt að lagt að verði aukið fjármagn verði sett í samræmingu eftirlits og þjálfun starfsfólks.

Með þessu bréfi fylgir bréf Heilbrigðiseftirlits Vesturlands sem sent var sveitarfélögum þann 28. maí 2024, ásamt bókun Samtaka heilbrigðiseftirlitssvæða á Íslandi um málið.

Afrit er sent á Matvælaráðuneytið og Samtök heilbrigðiseftirlits á Íslandi.

Virðingarfyllt,



Þorsteinn Narfason,
framkvæmdastjóri.